

史部七

奏議類一 五代

曲臺奏議十卷莆田陳致雍著開有益齋讀書志云致雍仕閩爲太常卿在南唐以通禮及第除博士遷秘書監致仕明文淵閣書目載此書有徐鉉序南唐建國文物典禮爲諸國之冠馬陸書皆無表志胡恢書據蘇魏公集有公卿表然其書罕傳致雍此書如祖宗配郊位議四親及義祖神主合出太廟議太祖之廟及不遷之主議俱足考南唐之祀典博士高遠奏改顏子祝文議再改正顏子充國公祝文議足考孔廟祀典劾中書不許旌表吉州孝子瞿處珪等疏詳瞻可觀諸臣諡議游簡言諡忠孫晟諡忠馬陸有傳而不及其諡此外鎮海軍遙授衢州刺史李萬安和州刺史馬洪刑部尙書嚴紹工部尙書刁紹保義軍節度使鍾承勣右衛使司空事李承祚龍衛軍使司空劉崇禧太尉劉崇佑江

福建藝文志

奏議

五代

宋

一

南節度副使馬希蘊之類皆顯官高爵沒而賜諡者馬陸不載其名光山王延政諡恭定亦滅國傳所未載諡法不盡美故虔州節度使賈匡浩諡述義不克曰丁馬陸避匡字諱止稱賈浩少弟李光明馬陸不載其人大唐郊祀錄志有南唐祭禮亦致雍所定致雍實不愧議禮之儒臣在五代十國中罕有其匹馬陸書後主國后周氏傳云命太常博士陳致雍考古今沿革草具婚禮又命學士徐鉉史官潘佑參定文安郡公徐遊評其異同多是佑議而不詳載致雍所議馬書周后傳但云徐潘與禮官參議並不言禮官爲陳致雍致雍奏議爲考禮得失之林不獨廣南唐之記載也馬書潘佑傳云後主納后歷代久無其禮開元禮亦多闕博士陳致雍習知沿革隨事補正後主使徐鉉與佑參議佑立論以沮之文采可觀後主奇其議頗見施用

奏議類二 宋

讜論集五卷仙遊陳次升著四庫全書總目云次升字當時熙寧六年第

進士徽宗時官至右諫議大夫次升爲太學諸生時卽斥王安石字說爲秦學坐是屏棄通籍後三居言責建議鯁切爲當時所憚其最大者在止呂升卿之使嶺南劉安世謂其大有功於元祐諸臣至其彈劾章惇蔡京蔡卞曾布諸疏尤爲明白痛切雖其根株不能盡拔卒爲所中以致垂老投荒而剛直之氣凜然猶可想見本傳載所陳前後凡十餘事皆有關於賢姦消長政治得失之故爲他人所不敢發而謂其他所言曾肇王觀黃庭堅賈易李昭玘呂希哲范純禮蘇軾等公議或不謂然今卽集中所存諸疏觀之其論王觀也以曾布所善其論曾肇也以布之至親其論呂希哲也亦以韓忠彥之親其論范純禮也以對遼使誤犯御名事各有因與曲加指摘者不同且是是非非雖當代清流亦不肯少存假借此正其破除成見毫無黨同伐異之私作史者乃以門戶之局爲次升之病謬之甚矣是集爲次升兄子南安丞安國所編取哲宗顧問之語以名之所錄奏疏久佚不傳惟永樂大典中頗散見其

福建藝文志

奏議 宋

二

篇題採綴編次共得八十六篇又於歷代名臣奏議中增補三十篇較諸原本所存僅什之五六然昌言偉論爲史冊所未載者尙可考見其梗槩而以行實一篇附於卷末案有鄭桂敬陳士壯陳安國三序安國云所存二百七章編爲二十卷

閑樂奏議一卷建陽陳師錫著道光通志云師錫所上奏疏多被詔遣追焚僅存十五篇案政李光敘之案師錫字伯珍熙寧九年進士官至殿中侍御史

曹忠達奏議十卷沙縣曹輔著道光通志云見楊龜山集曹樞密墓志困學紀聞云攻媿集跋曹子方書以爲祐陵時上書論時事靖康至樞筦愚謂曹輔有二其一字子方與蘇黃遊若論事爲樞筦者字載德乃龜山爲銘者今合爲一人非也案輔字載德元符三年進士官至延康殿學士簽事樞密院事

李忠定公奏議八十卷邵武李綱著陳俊卿序云淳熙丙申予帥三山其

子秀之哀集其文以示余求序蓋表章奏劄至八十卷而詩文不與焉予讀而歎曰詳哉其言之也世之有其學者常患無其材有其材者常患無其節三者備矣然使其辭之不達則不足以動人主之聽言之不文則不足以永後世之傳是以君子貴其全也公學本於經材見於用節著於論水災贊禪議之曰是其章奏較著蓋天下之所共知焉朱熹後序云其言正大明白而纖微曲折究極事情絕去彫飾而變化開闔卓犖奇偉前後二十餘年事變不同而所守一說如出於立談指顧之間石遺室書錄云四庫書目作奏議六十九卷附錄九卷云此本已非秀之之舊卷末附錄一曰靖康傳信錄一曰建炎進退志一曰建炎時政記共爲三卷第四卷以下皆綱所爲制詔表劄疑卽宋史所云建炎制詔表劄集也俱已編入梁溪集中故僅存其目不復錄焉案此六十九卷之本明正德閒巡按福建御史山陰胡文靜所刻有莆田林俊序東南防守利便三卷建陽呂祉著石遺室書錄云祉進狀時官左朝奉郎福建藝文志 奏議 宋

三

直龍圖閣權發遣建康府主管江南東路安撫司公事有進書狀首爲東南利害總論次江流上下論次江淮表裏論次建康根本論次吳若陳克所著南北事迹共釐爲三帙案祉字安老宣和三年上舍釋褐官至兵部尙書兼都督府參謀事死難

蓄德齋奏議三卷莆田方廷實著莆陽比事引黃考功云公美自登朝著以至北還京淮慷慨論事無慮七十餘奏如請建皇嗣其言峻直時上富于春秋此人之所難案廷實字公美政和五年進士官廣南東路提刑

雷太學奏議寧化雷觀著閩書云觀靖康時在太學上書諫用張邦昌案觀以上書賜出身

中興十君論莆田宋藻著莆陽文獻云藻進中興十君論高宗語執政曰藻所進篇篇可授遂以布衣召見案藻字去華紹興八年進士官至知漳州提舉江東常平

林黃中奏議五卷福清林栗著道光通志云李心傳朝野雜記所編攻僞學者五人栗與興化陳藻泉州傅伯壽漳州余嘉福州鄭丙皆閩人也栗與朱子論易不合遂上疏攻詆然志傳所載如息兵南郊風虛諸論皆持正有識未可以一眚掩也

重鰓文公先生奏議十五卷建陽朱熹著天祿琳瑯書目云前明葉向高序

劉著作奏議一卷莆田劉夙著真德秀跋云某少時讀著作劉公所對館職策未嘗不撫卷歎息今又從公之孫建陽令得公奏稿讀之其論對則斥近倖盜權以爲陰侵陽之證其上封事又申言之至謂流蕩戲狎常始於燕游之無度人獸雜亂常出於御幸之無節嗚呼其亦可謂激切也已

袁侍郎奏議建安袁樞著真西山跋云侍郎袁公以清名直節受阜陵之知自庶僚躋法從其制詞略曰有愛君憂國之心有憤世疾邪之志雖

福建藝文志

奏議 宋

四

未諧於中道要可謂之正人大哉王言公之平生盡此矣

傅忠簡奏議十卷晉江傅伯成著真德秀跋云當慶元初韓侂冑始用事既逐宰相以顯大權遂欲借朋黨之名以空在廷之善士中外震懼無敢撓其鋒者而公以小臣進對獨懇爲上言之昔公之先正獻簡公爲諫官御史四年論事凡百六十餘章公在諫垣纔五十餘日所上亦十有三奏觀其欲修后範以正化本斥閹尹以遏姦萌合異同以銷朋黨辭氣和平直而不激藹然有獻簡之風至解罷言職遷吏部侍郎不視事而去則又祖孫相望如出一轍案伯成字景初隆興元年進士官至

龍圖閣學士

本論同安許衍著閩書云衍慷慨喜論事嘗進本論二十篇言四民利害朱文公與書謂其仁人之心未嘗忘天下之憂固如此也案衍乾道八年以上舍登第

庸齋表箋一冊古田趙汝騰著道光通志云焦氏以二書分入制誥表奏

二類茲據王氏並錄之案汝騰字茂實寶慶二年宗子正奏官至資政殿學士

朱子明奏議建陽朱鑑著道光通志云鑑塾子官湖廣總領

奏議類三 明

錄囚奏稿莆田柯燉著道光通志云燉嘗奉旨按邢侍郎獄兩廣錄囚靖江府勘事歷擢河南廣東浙江按察僉事案燉字在亨成化丙戌進士林貞肅公奏議七卷莆田林俊著道光通志云卷一爲西曹稿外臺稿內臺稿卷二爲西巡稿卷三卷四爲西征稿卷五爲起輔新政稿卷六卷七爲秋臺稿案俊字待用成化戊戌進士官至刑部尙書

余太僕奏議一卷莆田余瓚著道光通志云瓚字君錫正德辛未進士擢兵科給事中武宗南巡諫不可者五歷都給事中獨持國是時有抗疏遷太僕卿歸

恭敬大訓一百卷惠安張岳編閩書云大訓名書取責難陳善之章皆古

福建藝文志 奏議 宋 明

五

聖賢所以告君見詩書中者秦漢以下僅收漢董氏三策及宋儒封事而已案岳字惟喬正德丁丑進士官右都御史總督湖廣川貴軍務粵西疏稿三卷連江吳文華著四庫全書總目云文華字子彬嘉靖丙辰進士官至南京兵部尙書諡襄惠此集乃其巡撫廣西時所上諸疏凡二十一首葉向高作文華濟美堂集序稱其督粵東西所創平林箐巨憝累世爲患者不可勝紀今集中敘報勦人員疏地方賊情疏勦平上下四屯疏勦平北山等處地方賊情疏皆其事也然史稱河池啼咳北三猺未爲逆總督凌雲翼喜事殺戮甚慘得陰襲文華亦受賞遷戶部侍郎則向高所云不免有所文飾矣

留都奏稿一卷吳文華著道光通志云任南京兵工二部尙書時所上諸疏凡十一首

御史中丞林公奏議莆田林潤著昇州山人稿云御史中丞莆田林公手次其前後奏議五十六通以書請世貞曰吾子其序之世宗朝貴溪分

宜相當國柄以刑僂劫鈐給事御史口至嘿而亡所持爭乃林公獨首
論祭酒某罪天子赫然怒置之理又論劾分宜所絕幸愛客都御史懋
卿姦惡萬狀分宜爲庇之則又論劾分宜所受十萬金爲城社而穴者
伊王分宜又爲庇之居無何上用御史鄒公言罷分宜而懋卿及伊王
後先敗戍及長繫有差於是林公又持分宜子侍郎世蕃與其私客前
中書舍人羅龍文大逆狀上之天子爲置獄悉搜捕其黨與論大辟籍
其家貲財當縣官租稅半分宜貧老至不能名一錢寄客以死林公所
條上封事如請寬恤疲困計民運清伏田祛積弊表節義恤耆哲豁虛
徵召賢輔固鑿鑿爲黔首衽席者也案潤字若水嘉靖丙戌進士官至
右僉都御史應天巡撫

撫吳疏草十二卷浦城徐民式著吳默序云浦城徐公撫江南垂五年所
矣王上念財賦重地欲得公久鎮之公以太夫人春秋高拜表陳情一
歲中五六上溫旨予告異數也將行長洲令胡公吳令袁君念公撫吳

福建藝文志

奏議 明

六

膏澤具在疏中請公疏草刻之案民式字用敬萬曆庚辰進士官應天
巡撫

留垣奏議四卷莆田黃起龍著四庫全書總目云起龍字應興號雨石萬
曆戊戌進士官至南京吏科給事中是編爲起龍所自刊分十六類曰
儲講曰藩封曰國典曰聖政曰修省曰賑恤曰糧儲曰錢法曰財用曰
論典曰起廢曰用人曰考選曰糾邪曰時事曰請告共計疏三十六首
而以戶部議覆三疏附其後曰留垣奏議者以當時稱南京爲留都也
周忠愍奏疏二卷海澄周起元著四庫全書總目云起元字仲先號綿貞
海澄人萬曆辛丑進士官至右僉都御史巡撫江南以忤魏忠賢被害
崇禎初追贈兵部侍郎諡忠愍改諡忠惠是集凡西臺奏疏十一首爲
一卷乃擢湖廣道御史巡漕時所上曰撫吳奏疏十九首爲一卷乃巡
撫江南時所上也當魏忠賢肆虐之日國事日非幾幾乎毒焰薰天狂
瀾汨地無恥者從風而靡代爲搏噬無論矣卽儼然自好者亦潔身去

之而已起元獨與楊左諸人奮起而嬰其鋒雖卒至白骨銜冤黃泉茹痛而士大夫尙賴此數十君子知世閒有廉恥事其人足重斯其言可傳也

掖垣封事長樂馬思理著蔣德璟序云上慎重賜環於詮部疏廢籍百四十餘賢吾聞黃幼元官九馬達生給諫首蒙召用蓋幼元三疏採華亭達生特疏糾監視海內高其召以爲中興眞君子上實心念之故雖用他罪去旋有不測之收當達生釐覈兵馬之簡所最難者邊鎮兵實縮馬實空餉實浮驕卒猾弁烏鼠同穴卽催檄雨下無可報報亦畫餅余每見達生手劈眼搜瀝盡心血所條三十八計裁官裁餉汰金三十餘萬總以簡練爲主達生於九邊情形既審尤嚴取與封事凡六十餘上不具論論其大者

視鹺疏草南安王龍震著道光通志云龍震字長甫崇禎戊辰進士巡鹽山西釐剔正額增築駐城人咸便之

福建藝文志

奏議

明清

七

奏議類四

清

平岳奏議一卷平海疏議一卷附平海咨文一卷師中小札一卷晉江萬正色著四庫全書總目云正色號中庵康熙十三年正色以岳州水師總兵官征吳三桂累立戰功平岳疏議作於是時尋提督福建水師同總督姚啓聖平海壇及金厦兩島平海疏議及咨文作於是時小札亦是時師中作也

鹿洲奏疏一卷漳浦藍鼎元著石遺室書錄云鹿洲微官而有奏疏首篇履歷條奏餘五篇皆條陳所見之作案鼎元雍正閒拔貢生官廣州府知府

林文忠公政書三十七卷侯官林則徐著石遺室書錄云全書皆奏稿內東河一卷江蘇八卷湖廣五卷使粵八卷兩廣四卷陝甘一卷雲貴十卷首左宗棠一敘略云嘉道以來天下切要之政莫如請求吏治整頓錢漕加意海防諸端公之密陳僚屬考語則曰察吏莫先於自察必將

各屬大小政務逐一求盡於心然後能舉以驗屬員之盡心與否其陳
漕運利弊則有一本原一補救一本原中之本原一補救中之補救道
光已亥庚子之歲公銜命查辦海口事件修築虎門橫檔各礮臺擊夷
船於尖沙嘴潭仔洋官涌等處斬敵甚多宗棠以海疆多事莅公桑梓
之邦親歷各海口見公所建礮臺形勢扼要證以是書所云益歎公忠
誠體國獨有千古云云觀此則是書之佳略亦可識矣

沈文肅公政書七卷侯官沈葆楨著石遺室書錄云文肅以保守廣信府
危城曾國藩保其德望冠時才堪應變由道員超擢江西巡撫粵匪平
定後官至兩江總督遂爲一代名臣卷一至卷三爲江撫任內奏摺卷
四爲福建船政任內奏摺卷五爲巡視臺灣任內奏摺卷六卷七爲兩
江總督任內奏摺前後並無敘跋惟巡視臺灣有奏報到地視事摺片
未經錄入殊爲闕漏文肅字幼丹道光丁未進士

林文直奏稿七卷閩縣林紹年著石遺室書錄云紹年字贊虞同治甲戌
福建藝文志 奏議 清

八

進士官至民政部侍郎軍機大臣上行走此稿卷一在諫垣時卷二撫
滇時卷三督滇並會奏時卷四撫黔時卷五撫桂時卷六撫汴時卷七
貳各部時贊虞爲御史即直言敢諫歷膺量寄振作有爲所陳奏如停
止海軍報効督撫報効請飭禁止宦寺恣肆流弊宜防科場舞弊已有
明證請飭部訊辦考官夤緣賄買請嚴訊請裁併雲南巡撫敬陳滇省
情形懇免再派解款移置廣西省會密陳南服籌邊大計整頓吏治請
免迴避原籍遵諭具摺恭陳請嚴飭王貝勒大小諸臣誓除舊習各摺
皆最著聞者

福建藝文志卷二十三

史部八

傳記類一 聖賢

歷代褒封先聖事實惠安黃學行著續文獻通考云學行教授全州時疏上之案學行字上文嘉定八年進士

孔子年譜莆田鄭鉞著黃仲元序云譜首以陬大夫二序壓卷前書所未有謂儀封人請見爲由魯適衛時謂魯公問政及答季康子數問皆歸魯以來事此見又確謂夫子未嘗師邾子謂行乎季孫三月不違斯言非知夫子者此論又高案鉞字少偉又字夷白咸淳十年特奏名宋亡不仕以上宋

孔孟事蹟圖譜四卷會稽季本考辨晉江王慎中訂正慎中敘云書據史記司馬氏通鑑劉氏外紀邵氏皇極經世書呂氏大事記金氏通鑑前編近潘氏孔子通紀益以春秋內外傳戰國策禮記家語孔叢子諸書

福建藝文志 傳記 聖賢 宋 明 清

參考互證權覈行事差次歲年櫛比杼緯既詳且確其證諸家同異一以論語孟子二書爲主故雖生平數千歲之遠而鑿鑿可信也善本書室藏書志云凡孔子二卷孟子二卷圖已佚去本字明德正德丁丑進士官長沙知府案慎中字道思號遵巖嘉靖丙戌進士官常州通判上明

孔志四卷閩縣龔景瀚輯石遺室書錄云是書名仿鄭志取例年譜頂格列孔子事蹟爲正文低一格雜引經史各書以證之又引各書注解及近代人著述以爲之注夾行列於各段之下道咸間林昌彝又作補箋亦夾行附注於後龔自序云史記世家博而多誤朱子論語序說未能節節辨正也近江氏春齋作鄉黨圖考既譜其年又考其事蹟勤矣惜其猶有未詳也今廣採羣書修舉其要而以經傳史志之言證之孔叢子家語雖曰僞書其妄誕不經者削之其有可存者附書之以廣見聞林後序云是書辨江氏之失者十之二三其補江氏之不及者十之四

五惟志內自過衛至卒尚未詳考昌彝得豫編校之末復不自揣謏陋爰詳考諸書謹爲補箋數十事凡眾說紕繆類於墨氏非儒之篇者則削之其傳聞未實者則辨之其無年分可列如欽器之銘射於矍相之圃者則闕之此皆海峰先生作者之意也

孔子弟子考一卷孔子門人考一卷龔景瀚著石遺室書錄云考正譌謬處甚多如南容鄭子國申枨公伯寮左邱明各條皆辨析至詳前有自序云孔氏之徒云七十不限止以七十也世儒據以考定者惟史記之傳家語之解議配祀之典先橫七十之目于心胸慮溢七十二人之外於是以臆斷爲進退舉凡論語春秋傳禮記漫不知省或又于複姓者改姓一字書之栗王尙得爲知禮也乎云云門人中亦多所補正謂受業于弟子者爲門人引据尤確此書未有刊本

孔子世家補訂一卷閩縣林春溥著自序云後世尊孔子自史遷始故布衣也而列之世家顧遷所採輯不外論語三傳國語檀弓家語晏子諸

福建藝文志

傳記

聖賢

清

二

書而以己意牽合之往往與年表不相應始遷嘗從孔安國問故尼山世譜宜有所受乃其敘問陳絕糧與孔注不合而歸與之歎伯玉之王蔡之遷吳皆前後兩見是其顛倒訛複有待後人之釐正者蓋不少矣春溥向述孔門師弟年表正之而未盡近見聖裔龔軒先生書其於過蒲去衛二節移綴刪併文直而事順實發前人所未發不揣狂簡輒取其說而推校之整其煩亂定其先後誤者訂之略者補之類附旁注要於原文無所增損而吾夫子之生平梗槩與夫百家之同異得失皆得以曲證旁通庶幾集年譜之大成云爾

孔門師弟年表一卷孟子時事年表一卷林春溥著石遺室書錄云孔表以孔子年歲爲經列於上層以諸弟子年歲爲緯從下層列起旁行斜上年愈少者行列愈上表後有後說孟表以孟子年歲爲經列於下層以周秦各君年代爲緯周最上層以下各國次之表後有後說者孟子生平甚衆其餘辨非親受業於子思據竹書孟子以糾史記辨伐燕事

史孟不合此類甚多皆極精覈

孟子列傳纂一卷林春溥著自序云孟子事蹟史傳殊多疏略以七篇證之其有年可考者惟見惠王及伐燕一事耳然且先梁先齊或宣或湣紛紛者迄無定論況其他乎北堂書鈔引孟軻傳云軻字子輿勤學不息師事孔子遂成天下名儒而史傳無此文則唐以前已有爲孟子別傳者今不可得而見矣元吳萊嘗本史記刪荀卿鄒衍以下諸子爲孟子列傳吳迂又撰孟子年譜今皆不傳明史鶚撰有孟子年表多取氏譜之說於七篇不無所違嗣是季本有孟子事蹟圖譜譚貞默有孟子編年閻若璩有孟子生卒年月考任兆麟有孟子時事略任啓運有孟子考略大抵皆主七篇爲說而望經單測均無左證故其說終莫能同也春溥前輯孟子時事年表首据竹書旁桑叟說考時事之遠近證遊歷之後先後說論之詳矣茲乃薈萃百家編而次之竊仿史公組織論語之例取內外篇錯綜其中與前表相與表裏王述舊聞靡敢妄作上

福建藝文志

傳記

聖賢

清

名人

宋

三

清

傳記類一 名人

四賢傳浦城章望之著呂希哲雜記云福唐有陳烈季甫周希孟公闢鄭穆閔中陳襄述古窮經苦節以古人相期故當時有四先生之號望之作四賢傳行於世

陳壇墓志一卷沙縣陳壇著宋濂題陳忠肅公疏文跋語後云其所著之書曰日錄不合神道論曰辯誣論曰尊堯集曰自撰墓志墓志述因日錄殺身之由其言至一萬八千有奇語尤哀切案壇與其子正策因日錄幾至殺身然不得竟謂之殺身也說恐有誤

李忠定公行狀三卷邵武李綸著郡齋讀書志云公之弟綸所述也太常博士兼實錄院檢討官葉適所撰諡議附于後据直齋書錄綸爲洪州通判

胡文定公行狀一卷崇安胡寅等著郡齋讀書志云公之子寅寧宏所述

也其孫大壯手書而傳之因附入曾玄諸孫名

陳古靈年譜一卷寧德陳煜著自跋云煜次第年譜恭考三朝實錄暨文集行狀墓志家譜諸書參校有考據者繫於歷歲之下云時皇宋龍集辛巳紹興紀號之三十一載十月朔旦五世從孫將仕郎煜謹拜手記案煜字知晦紹興二十一年特奏名

謝修撰行狀墓志一卷邵武黃適永嘉陳謙同著直齋書錄解題云邵武謝師稷務本奉使閩部有惠愛沒而民祀之行狀里人黃適景聲撰墓志永嘉陳謙益之撰其廟曰昭應道光通志云直齋書錄解題作黃適文獻通考作黃適其字景聲則當以適爲是適字潛夫晉江人紹興二十七年進士知東莞縣歷新州守者是也

艾軒家傳一卷莆田林成季著直齋書錄解題云其季父工部侍郎光朝謙之事實案成季字井伯光朝子

東坡紀年一卷仙遊傅藻著道光通志云施元之所撰東坡年譜已不傳福建藝文志 傳記 名人 宋

四

今所存者惟五羊王宗稷年譜耳藻紀年編次詩文日月最詳可以補宗稷所未備讀東坡集者不可闕此一書也案藻淳熙八年特奏名夾漈家傳一卷舊興化鄭翁歸著直齋書錄解題云翁歸述其父樵事跡樵死時翁歸年八歲安貧不競頃佐莆田時猶識之

勉齋年譜一冊懷安潘植著道光通志云前志載植書四種曰忘筌書曰觀象元契圖曰性理書曰勉齋年譜以上三書皆浦城潘植著均誤以植爲植惟是書宜爲植著蓋植父滋勉齋所受學也植又與勉齋同出朱子門下適同時也若植則建炎紹興中人在勉齋前案植字立之

韓柳年譜八卷建安魏仲舉著四庫全書總目云韓文類譜七卷宋魏仲舉撰仲舉慶元中書賈也嘗刊韓集五百家注輯呂大防程俱洪興祖三家所撰譜記編爲此書冠於集首柳子厚年譜一卷宋紹興中知柳州事又安禮撰亦附刊集中近時祁門馬曰璐得宋槧柳集殘帙其中年譜完好乃與諱譜合刻爲一編總題此名云

朱文公年譜三卷光澤李方子編郡齋讀書志云盧壯父刻之於瑞陽者爲三冊倪灼刻於康廬者爲一冊今兩存之案方子字公晦嘉定七年進士官國子學錄

龜山年譜一冊邵武黃去病著續文獻通考云去病咸淳間宰將樂取龜山年譜訂正之

朱子年譜一卷建陽袁仲晦著道光通志云朱子年譜宋洪友成刻者爲洪本閩省別刻者爲閩本明李默刻者爲李本此本前有朱子後裔懷慶序謂因各本不同乃訂正重刊然校以王懋竑本此本猶多漏略不能一一精核也案仲晦宋末人

陳文龍遺事莆田鄭鉞著道光通志云鉞字少偉嘗爲文龍門客紀其遺事言甚痛憤

建安章氏家譜一卷不著撰人道光通志云見通志略章氏爲浦城望族稱建安者以郡槩邑也龔明之中吳紀聞稱章氏本建安卽公之後裔

福建藝文志 傳記 名人 宋 明

五

徙於平江者有二族子厚丞相家州南質夫樞密家州北吳人嘗稱南北章以別之

以上宋

壯烈志二卷仙遊鄭紀莆田林俊同編清長安侯紹岐補案是書紀仙遊魏昇戰功也上卷爲年譜昇生於天順四年以被創歿於正德十二名下卷皆紀歿後靈異事詞旨粗率疑非紀俊所爲然昇以匹夫保捍郡邑其功甚鉅幸有是編不沒其人也紀字廷綱天順庚辰進士官至戶部尙書俊字待用一字見素成化戊戌進士官至刑部尙書

鄭忠穆公事實二卷甌寧鄭明編樊瑩序云此書實吾庠司訓先生鄭希哲十二世祖忠穆公毅事跡也公在趙宋南渡時以忠義聞其表表尤著者則在內折姦邪外激忠憤不動聲色而使乘輿反正兇豎自斃是編希哲以家藏舊章疏及當日宸翰手自謄寫成書將以梓傳其閒條分當時行事次第與龜山晦庵及諸先正銘記題詠炳炳可紀案之史氏信足有徵矣案明弘治間貢生官博白教諭

楊文敏公年譜四卷建安楊肇著千頃堂書目云榮六世孫臨江府同知肇纂修

劍陽名儒錄二卷晉江李璧輯道光通志云右錄宋端明殿學士黃裳事與文及祠記墓志署曰劍陽地以人重也案璧字介石布衣

考亭朱氏文獻全譜十二卷建陽朱鐘文著四庫全書總目云鐘文字吾滄朱子十二世孫官大足縣知縣新安朱氏支派非一其北洛墩頭之朱本不出於考亭時方醵金購譜建祠鐘文恐其亂宗乃溯唐茶院公以來世次纂紀本末搜討頗詳分類凡十三門曰廣睦曰明宗曰溯本曰尊祖曰著居曰庭訓曰褒典曰彙文曰列傳曰宦德曰女德曰外戚曰雜紀冠以朱子所作世譜原序案鐘文未知爲閩人皖人据四庫書目言恐新安朱氏亂宗事似屬皖人然十一世孫凌嘉靖辛丑進士固建陽籍也

遂編二十卷福清葉向高著全祖望題云福清葉文忠公遽編其年譜也福建藝文志 傳記 名人 明 六

而足以證國史其中述黨事甚詳當時諸君子多咎文忠蓋亦責備賢者之意文忠欲收西涯之功而不得者也豈可以阿附加之哉編中極言魏忠節公受吏科之非尤爲詳悉忠節若不受吏科之命可以免阮大鍼之毒噬矣案是編蓋取遽伯玉知非意故名始嘉靖己未終天啓丁卯凡六十九歲向高自編止十八卷後二卷則其孫益蓀續成

精忠類編八卷晉江徐緒芳編四庫全書總目云緒芳字奕開萬歷辛丑進士官至監察御史是編輯錄宋岳飛事實藝文首爲表類紀姓氏世系之屬次爲傳類紀生平始末次爲遺翰類皆飛詩文次爲宸綸類皆高宗所賜載於金陀粹編者次爲褒贈類皆歷代制誥案牘次爲家集類皆岳珂之文有關於飛者次異感類紀諸靈應次詩類文類則皆後人題述之作也編次頗無條理而異感類中如瘋魔行者罵秦檜胡迪入冥之類尤類傳奇演義飛之忠烈自與日月爭光不假此委巷之談侈神怪以相耀也案緒芳字奕開萬歷辛丑進士官御史

蔡忠惠年譜一卷閩縣徐勵著紅雨樓題跋云公所著文集求之海內三十年不能得稽之館閣書目亦亡失久矣辛亥移書豫章喻秀才叔虞廣搜於藏書之家獲故家鈔本正乾道年間王龜齡所編三十六卷者時莆陽盧貞常方爲江右副憲叔虞以公集上之命工繕寫兩部還其原本值吾鄉謝工部在杭過豫章副憲出其一予在杭校定篋而藏之叔虞慮孤余之託又函原本附曹觀察能始至閩然中間錯簡訛字不一而足稍稍爲之更定甲寅友人陳侍御秦始乘驄江右余投以公集侍御下車卽請王孫朱爵儀秀才李克家嚴加讐校並外紀載之梨棗甫一週而吳興蔡侯伯達來守泉郡以公同姓同官又同地也於是從盧副憲求錄本張廣文啓睿訂正鏤板以傳余得二方善本更採公生平官爵著述編爲年譜歷歷有徵庶後之覽者有所考鏡因述所繇如此萬歷丁巳仲夏

蔡福州外紀十卷徐勵編石遺室書錄云徐興公向籍閩縣此獨標仙遊福建藝文志

傳記 名人 明清

七

不知何據此書他本又稱蔡端明別紀此本又署鹽城陳甫仲訂補分恩寵德行政事書學執談賞鑒紀異茶癖茶錄荔枝譜附錄崇報十五條已編入蔡忠惠全集中稱別紀此其單行者也案勵字與公布衣甫仲號隅園居士前有序

徐永寧年譜一卷徐勵著案勵父梲官永寧令

方簡肅公遺行錄不著撰人案見千頃堂書目簡肅方良永謚良永莆田人

黃石齋年譜龍溪洪思著道光通志云思幼隨其父尊光受業於石齋鼎革後黃子殉難金陵與父偕隱山中

以上

龜山先生通紀五卷將樂楊起佐緝石遺室書錄云起佐先生十八世孫此書與徐興公所編蔡端明別紀同一體例康熙間其子敏政合全集重刻之者也一卷爲誥勅奏疏謝表二卷爲諸儒總論通鑑史記評三卷爲墓圖行狀志銘祭文各類四卷爲各碑記五卷爲各序跋題詞此

本爲光緒戊子補刊板藏福州道南祠前有十九世孫敏政一跋裔孫浚一跋浚稱二十代孫繩祖所編本僅存文集四十二卷無通紀湘鄉督帥楊石泉尙書出所藏本與浚家藏本互校刻成浚又緝成補遺二卷稱通紀補遺又稱續通紀云

國姓爺鄭成功傳二卷詔安鄭亦鄒著藝風藏書續記云日本刻本前有浪華木氏校勘於蕪葭堂分書本記石遺室書錄云亦鄒字居仲康熙丙戌進士官內閣中書

李忠定公年譜二卷閩縣林侗著自序云公邵武人葬於侯邑桐口大嘉山距會城三十里康熙乙丑春有毀公墓而盜其石者遂與陳叟發曾家第佶走謁墓下墓甃砌幸無傷爲荆棘所掩而墓外之石已盡發翁仲石獸立田開心傷者久因出公文集讀之竊怪其無年譜乃以公弟奉議郎綸所作行狀三卷參之宋史訂之詩章編爲年譜兩卷吳門諸君謂宜梓行戊寅夏嘉興朱彝尊先生至閩云於內府錄得忠定公全

福建藝文志 傳記 名人 清

八

集有年譜然無若君之詳核有據蓋併梓以傳遂以內府舊本遺余已缺其首次兩頁但首行所載始於哲宗元祐七年壬申公年一十歲則亦以宋史卒於庚申五十八歲爲據也與予所編事有詳略惟年差一歲其薨於叔弟之居與楞嚴精舍爲不同故並錄之案侗字同人康熙閒諸生

朱子爲學考三卷連城童能靈著四庫全書總目云能靈有周易剩義已著錄是編考朱子爲學之次第分年記載而於講學諸書各加案語以推闡辨論之蓋繼學部通辨而作也同時寶應朱澤澣亦有是書大致皆互相出入

朱子年譜六卷建陽朱世潤編四庫全書總目云世潤朱子十八世孫襲翰林院五經博士朱子年譜舊本明戴銑增之爲實紀李默修之復稱年譜國朝又有洪去蕪本王懋竑本諸家之中惟懋竑本最精核他家皆不免疏舛是編意主鋪張不求考核故未免踵訛襲謬至於李公晦

敘述朱子生平數萬言見性理大全洪本有之新閩本王本所載則更多於大全蓋卽其所作言行錄也今乃載魏序而不載李書又朱子五十六歲辨陸學之非辨陳學之非舊譜有之惟李默本刪去以默傳金溪之學故也此從李本亦似非朱子之意且以年譜爲名而年譜僅居第三卷自第四卷爲行狀外其餘褒崇題詠之類乃占前後四卷未大於本於體例亦未協也

龜山楊氏第三支譜閩楊光瀚著王元啓序云楊氏自龜山之後三世曰瑾者始爲其譜之序瑾子滋復爲之圖其後八世孫宗閔十三世孫華續採先世行實爲錄以附其後而十五世孫岱復詳考其墳墓所在而爲之記於是譜之所宜有者始無不備今二十二世孫光瀚復自十六世後續譜其世系至二十幾世而止

唐陳觀察墓志一卷陳觀察遺事一卷侯官鄭杰輯石遺室書錄云墓志爲唐鄉進士黃璞撰外附杰跋林侗記林佶記杰又跋陳治滋山亭碑

福建藝文志 傳記 名人 清 總錄 唐 九

記來齋金石考鄭天錕跋遺事則采正史志乘諸書成之未有長樂劉永樹書後据書後志石搨本已漫漶不完然可辨識者尙不少杰字昌英乾隆閒貢生

鄭蔡年譜合表一卷閩縣林春溥輯石遺室書錄云据自序以嘉興沈可培所輯鄭康成年譜青浦王昶所編蔡邕年表合爲訂正又以邕死非命康成深爲歎惜相契之深故彙爲合表云今案表分三層第一層表年月及國家大事二層鄭譜三層蔡譜蔡後鄭六年生先鄭八年卒也是書爲楊浚校刊本

李忠定公年譜二卷閩縣王景賢緝伊園文鈔云康熙閒吾鄉林侗曾訂公年譜上下二卷鋟版久亡學者引爲憾事景賢不揣謏陋鉤稽諸集萃爲是編未知於林譜有合否然公之生平事蹟亦略具於此矣清

傳記類三 總錄

閩川名士傳三卷侯官黃璞著郡齋讀書志云唐神龍以來閩人知名于